

"Бюджеттік инвестициялардың қаржы-экономикалық негіздемесін әзірлеу немесе түзету ережелерін, сондай-ақ заңды тұлғалардың жарғылық капиталына мемлекеттің қатысуы арқылы іске асыру жоспарланған бюджеттік инвестицияларды іріктеуін бекіту туралы" Қазақстан Республикасы Экономикалық даму және сауда министрінің 2010 жылғы 22 шілдедегі № 126 бұйрығына өзгерістер мен толықтыру енгізу туралы

Күшін жойған

Қазақстан Республикасы Экономика және бюджеттік жоспарлау министрінің 2013 жылғы 06 маусымдағы № 178 бұйрығы. Қазақстан Республикасының Әділет министрлігінде 2013 жылы 27 маусымда № 8528 тіркелді. Күші жойылды - Қазақстан Республикасы Экономика және бюджеттік жоспарлау министрінің 2014 жылғы 30 маусымдағы № 187 бұйрығымен

Ескерту. Бұйрықтың күші жойылды - ҚР Экономика және бюджеттік жоспарлау министрінің 30.06.2014 жылғы № 187 бұйрығымен.

Заңды тұлғалардың жарғылық капиталына мемлекеттің қатысуы арқылы бюджеттік инвестицияларды тиімді пайдалану мақсатында **БҰЙЫРАМЫН:**

1. «Бюджеттік инвестициялардың қаржы-экономикалық негіздемесін әзірлеу немесе түзету ережелерін, сондай-ақ заңды тұлғалардың жарғылық капиталына мемлекеттің қатысуы арқылы іске асыру жоспарланған бюджеттік инвестицияларды іріктеуін бекіту туралы» Қазақстан Республикасы Экономикалық даму және сауда министрінің 2010 жылғы 22 шілдедегі № 126 (Нормативтік құқықтық актілердің мемлекеттік тізілімінде № 6395 болып тіркелген) бұйрығына мынадай өзгерістер мен толықтыру енгізілсін:

көрсетілген бұйрықпен бекітілген Бюджеттік инвестициялардың қаржы-экономикалық негіздемесін әзірлеу немесе түзету ережелері, сондай-ақ заңды тұлғалардың жарғылық капиталына мемлекеттің қатысуы арқылы іске асыру жоспарланған бюджеттік инвестицияларды іріктеуінде (бұдан әрі – **Е р е ж е л е р**) :

12-тармақ мынадай редакцияда жазылсын:

«Балама қаржыландыру көздері» тарауы мынадай параграфтарды қамтиды:

1) «Меншікті қаражат» параграфы, онда іс-шараларды меншікті қаражат есебінен қаржыландыру мүмкіндігіне талдау жасалады. Талдау сондай-ақ, бұған дейін бөлінген қаражатты заңды тұлғаның аффилиирленген тұлғалары арасында қайта бөлу есебінен іс-шараларды қаржыландыру мүмкіндігін қамтиды.

2) «Қарыз алу» параграфы, онда қарыз капиталын тарту мүмкіндігіне талдау

жасалады. Талдау келесіні қамтиды, бірақ мұнымен шектелмейді:
сыйақы ставкасын, кредит беру мерзімдерін, міндеттемелерді өтеу шарттарын,
оның ішінде жеңілдік кезеңін беру мүмкіндігін, заңды тұлғаның қолданыстағы
шарттары ковенанттарының талаптарын қамтамасыз ету мен сақтауға қойылатын
талаптарды қоса алғанда, кредитті алу шарттарына шолу;
тікелей кредит беруді, қаржы лизингін, факторингті, облигациялық қарызды
қоса алғанда, кредит беру құралдарына шолу;
бюджеттік кредит беру мүмкіндігі.»;
26-тармақ мынадай редакцияда жазылсын:

«26. Заңды тұлғалардың жарғылық капиталына мемлекеттің қатысуы арқылы
бюджеттік инвестициялардың қаржы-экономикалық негіздемесін түзету мына
жағдайда жүргізіледі:

1) мақсаттарды, міндеттерді, іс-шараларды, техникалық-технологиялық
шешімдерді толықтыру және/немесе өзгертуге, бекітілген іс-шараларға көзделген
шығыстарды ұлғайту немесе қысқартуға әкеп соғатын, белгіленген
қаржылық-экономикалық параметрлер өзгергенде;

2) егер заңды тұлғалардың және/немесе олардың аффилиирленген
тұлғаларының мақсаттары мен міндеттері, сондай-ақ іс-шаралары өзгеруіне
байланысты аффилиирленген тұлғалар мен заңды тұлғалар арасында бұған дейін
бөлінген қаражаттарды, бюджеттік инвестицияларды іске асыру қорытындылары
бойынша босатылған қаражаттарды (үнемдеу), қайта бөлу талап етілсе.

Заңды тұлғалардың жарғылық капиталына мемлекеттің қатысуы арқылы
бюджеттік инвестициялардың қаржы-экономикалық негіздемесін түзету
Қазақстан Республикасы заңнамасына сәйкес қажетті сараптамаларды кейіннен
жүргізе отырып жүргізіледі.»;

келесі мазмұндағы 26-1 тармақпен толықтырылсын:

«26-1. Қазақстан Республикасы Бюджет кодексінің 156-бабының 4-3-
тармағына сәйкес бюджеттік заңнамада белгіленген рәсімдерді сақтамай
бөлінген заңды тұлғалардың жарғылық капиталына мемлекеттің қатысуы арқылы
бюджеттік инвестицияларды түзету бойынша қаржы-экономикалық негіздемені
әзірлеген жағдайда, экономикалық сараптаманы жүргізу үшін осы Ереженің 27-
тармағының 2) тармақшасының үшінші, бесінші абзацтарында және 3)
тармақшасының бесінші, жетінші абзацтарында көрсетілген құжаттамаларды
ұсыну талап етілмейді.».

2. Қазақстан Республикасы Экономика және бюджеттік жоспарлау
министрлігінің Инвестициялық саясат департаменті (Қ.М. Тұмабаев):

1) осы бұйрықтың Қазақстан Республикасы Әділет министрлігінде
мемлекеттік тіркелуін қамтамасыз етсін;

2) осы бұйрықты ол мемлекеттік тіркеуден өткеннен кейін ресми жариялауға

ж і б е р с і н ;

3) осы бұйрықтың Қазақстан Республикасы Экономика және бюджеттік жоспарлау министрлігінің ресми интернет-ресурсында жариялануын қамтамасыз е т с і н .

3. Осы бұйрықтың орындалуын бақылау Қазақстан Республикасының Экономика және бюджеттік жоспарлау вице-министрі М.Ә. Құсайыновқа ж ү к т е л с і н .

4. Осы бұйрық алғаш жарияланған күннен кейін он күнтізбелік күн өткеннен соң қолданысқа енгізіледі.

Министр

Е. Досаев